

Psalm 15 : Wie het die reg om in die tempel te kom?

'n Psalm van Dawid.

Refrein = Tekst: TT Cloete 2001. Melodie: GG Cillié 2001 (postuum)

Refrein



Ons het die reg om toe-gang, Heer, te vra.

Voorg: Wie het die reg om in u woonplek te kom, Here?

Wie mag op u heilige berg vertoef?

Mans: Hy wat onberispelik wandel en doen wat reg is,

Vroue: wat met sy hele hart die waarheid praat,

Mans: nie kwaad praat nie,

Vroue: sy medemens nie kwaad aandoen nie en niemand beledig nie;

Mans: hy wat dié verag wat deur God verwerp is,

Vroue: maar almal eer wat die Here dien;

Mans: wat sy woord hou, selfs tot sy eie skade,

Vroue: sy geld nie op rente uitleen nie

Mans: en hom nie laat omkoop om die onskuldige te kort te doen nie.

Refrein: Ons het die reg om toegang, Heer, te vra.

Voorg: Wie hom hieraan hou, sal nooit wankel nie.

Refrein: Ons het die reg om toegang, Heer, te vra.